

皇明嘉隆疏抄

欽差總督陝西三邊軍務兵部左侍郎兼都察院右
僉都御史臣部光先謹

題為議處虜王代乞藏僧脩貢以彰

聖化事准巡撫甘肅兵部左侍郎侯咨據甘肅行
太僕寺卿兼河西屯田道僉事馬出圖呈稱會
同甘肅兵備道副使武尚賢鎮守甘肅總兵官
陳銳當堂譯審得僧使鎖南釋迦執稱鴉兒論
哈乃是藏稱其主之名其秦化王即官制內載
烏思藏原封闡化王初封年分失記今長男名
札釋藏卜又有弟札釋堅叅俱在藏未來先年
差人進貢因路間難行至今未回已經二十

三年未曾進 貢見在西海活佛是答賴刺麻
係札釋藏卜師傅因差本僧隨來着他代求進
貢欲討 勅書復封札釋藏卜貫頂國師闡化王
札釋堅叅亦隨進 旨量討賞賜佛僧答賴刺
麻名鎖南堅叅見與順義王說法勸化衆達子
西番為善近了 朝廷地方仰慕

皇帝爺爺進 貢求討 勅書賜盧帽袈裟印信陞
授世界佛號或國師禪師今差來番僧南迦札
釋是活佛徒弟又佛僧阿撒賴刺麻係答賴刺
麻徒弟名星吉藏卜今討進 貢任

朝廷賞何職事差不僧管綽是阿撒賴刺麻徒弟

各齋捧番表四紙順義王一本係屬自內開
欽封順義王臣俺荅稽首頓首謹奏

大明仁聖皇上投遞番文先期永樂年間有好善作
佛的僧原進貢來賜法衣加衫僧帽各加職
品隔兒麻巴失陞佛像石薛兒超兒計陞我箇
我乞兒刺麻先前超兒計陞買荅兒包的素都
是佛名俱有職品加衫僧帽賴義王又求討取
和如今荅賴刺麻討大寸金剛佛刀兒計長討
玉石印加衫僧帽鴉兒論哈討古世秦化王穿
的衣阿撒賴刺麻討大國師衣服三人所進
貢物件俱開達子漢人西番三國大事成一家上

邊是天下是朝廷皇帝進真寶曆六年九月二十五日藏僧三本係番字掇弘化寺賴麻僧真藏卜譯稱不能盡職大畧內云

仁天自在朝廷法主

皇上頂上莊顏如意寶珠聖寶座無垢蓮花座前進文釋迦比丘鎖南堅衆供敬多多叩頭今脩積福祿如水中之船照生烏思藏地方自稱經網身一切地方尊聖如來法知轉代法輪世界盡數不去妙座恩與不盡我今朝廷法主皇上你的恩典如同白界擎罩一切為塵倚靠着了東方朝廷國度熱等佛的教門一時不違僉

大皇上身受萬萬堅牢分付各衆僧懺悔祝讚重押
本進 貢釋迦磨彌佛舍利子一顆西天聖地
彌麻銅造就的無量受佛一尊青獸頭上腮一
箇瓊瓊物件俱全上進火牛年十月初上吉日
思也洞地方寫又一張星吉藏卜番本大福壽
吉祥大高天一切恩典法主

皇上脚下供敬叩頭進這時九節受福吉祥如須彌
山堅牢住世千年又說雪山地方上中下得濟
普生妙法旨無垢讚觀世音菩薩顯化這是名
稱上師鎖南堅衆賢吉祥名為輪大地衆生三
俱全照法所成供敬可憐念保佑經刺麻鎖南

堅叅同我刺麻為輪回轉法功德今討貫頂國
師水晶印信衣服俱全

皇上答報恩典護法靈應

皇上的身與意三吉祥保佑祝讚不絕進

貢彌麻銅救度佛母一尊西牛角一隻馬一匹
氍毹等物上進土虎九月內寫各等情據此議照
烏思藏闡化王原係先年議准進貢之國由
四川路經行入貢嘉靖間曾進一次因夷使
未回今二十餘年向未朝進其藏僧答賴刺
麻即鎖南堅叅在烏思藏號稱活佛本國甚為
敬信順義王俺答懇求一見因而遠久住西海

恭順義王為頭邊底孽障的根盡除脩積白善
無邊分外這一方增盛上稟心腹讚言又供敬
三寶供養為妙捨施世主我自心想月月日日
不忘這一方烏思藏釋迦磨彌佛增送供養香
火有裏讚文無量收執著裏順義王說這世該
我派興時節到了乞討職事印信官帽衣服俱
全賜與我同一切姻緣們無量不可思意祝讚
朝廷萬萬歲超聖元覺如來成就果位祝讚懺悔
不絕押本西天聖地彌麻銅造就連座背光佛
一遵進貢等物數目另有文書上

貢土虎年吉月初頭大成法輪仰華寺寫吉又一

張貫頂國師闡化王番本吉祥三足世界一切
想不盡天地大力徧滿轉輪法主

大皇上脚下如意寶座前盡焚香頂禮稟奏世界一
切主

皇上壽如不動經網堅牢世法二禮如日月光普照
天下我們分又好有這西邊朝廷地方安寧
大皇上脚下安生稟奏心腹事有我的父封貫頂國
師闡化王職事見在如今我的老父身好

皇上與了職事到今我們自想化身這箇俺順義王
請到邊地調理陸道衆生顯同面稟奏有先好意
討與職事水晶印信衣服俱全我們一切

尊禮極崇事事俱從指化向善戒殺率衆守法
以數十萬之部落往來於甘涼道路之間未敢
結驩騷擾雖虜王久歎之誠亦藏僧教化之功
也我朝二百年来未聞此事關係

國運之盛豈不補哉今聞化王託虜王俺荅轉求
代進方物并復本王名號願為臣子及藏僧荅
賴刺麻阿撒賴刺麻進貢授職無非敬順
天朝之意似應准從及查本鎮西寧并肅州甘州一
帶住牧番僧多有印信圖書龍袞授國師禪師刺
麻等項名號之規並有毘盧帽袈裟之賜順代
請藏僧求討悉為有因及查前歲順義進

貢鞍馬等項該宣大軍門差中軍官朱瀚等代
進事規合無將藏僧各賴刺麻阿撒賴刺麻并代
闡化王男札釋藏卜進貢方物驗收原來夷
使省諭四海查照前規會同軍門

題請差官代進其藏王札釋藏卜討

勅封貫頂國師闡化王弟札釋堅叅討賞賜各賴刺
麻討勅書授世界佛號或國師禪師并討昆
盧帽袈裟印信阿撒賴刺麻任賞職事俱聽禮
部議給頒賞以後或准幾年一次進

貢隨遣善持經咒番僧比照前例齎進方物隨虜
勅化馬善仍於順義佛僧各給賞賜諭令

既久各而原住地方約束部落遵守

朝廷法度一以協藏僧求貢之意一以慰虜人

向善之心是亦以夷治夷之一機也今將取到

口詞譯過番表並進貢物件開列於後呈乞

會題等因到職案查先據虜王屢次投書懇

求有活佛等一名答賴刺麻等二名阿撒賴刺

麻我今請他念經并藏裏秦化王乞

題本著他三人進貢寶物陞秦化王男貫頂國

師秦化王答賴刺麻世界佛國師禪師阿撒賴

刺麻任朝廷陞職事賞賜和合一統共守

朝廷地方江山益見大了是為萬古之該職查得

官制內載洪武初年改封烏思藏都指揮使司
封番僧為六王內有闡化王名色即虜所稱秦
化王之意由四川路歲時進

貢今虜所云亦似有據尤恐未的復差通官饒彥
章等親赴西海面會虜王藏僧查審端的隨據
虜王差首阿郎甲兒赤大同恰等藏僧答賴刺
麻差徒弟南迦扎釋闡化王差番僧鎖南釋迦
阿撒賴刺麻差徒僧管綽各執番本隨帶方物
以見恭順不為虛假今乃求討進

貢職事原為編屬曠古盛事莫大於此隨行該道
會同甘肅道鎮守衙門逐一會議應否准從計

處傳呈報去後今據前因看得虜王過海迎
佛僧勸化遵守信義又各請求進

貢陞職是固國家太平之福實

聖明來遠敷化之效 廟堂訂猷所致况河西地方

各寺番族原有授國師禪師刺麻等項名色賜
有印信圖書僧帽袈裟衣物已為有據若令各
夷自進方物但恐路遠難於驛遞應付况屢年
順義進貢鞍馬等項俱係宣大軍門差官代
進今亦查照前例行之實為省便但聞化王復封
之事雖據審有口詞進有方物惟人不屬於本
鎮事止見於官制難以遽准而遠人向化情不

可孤合將方物准其類進量同藏僧給與

賞賜其復封之事聽禮部行四川巡撫查明議覆請
自 上裁然又切思甘肅孤懸河西環統四隅
非虜則番西番信佛尤篤於虜如使聽藏僧之
進貢而安居虜衆日益趨赴西番日益搆結
物聚必爭焉知久而不變乘此虜王藏僧既皆
有求於我則我之所以收撫操縱者正其機也
宜將藏僧各准進貢鎖南王叅授其職事賜
給勅書衣帽圖書星吉藏王亦量授職事衣
帽仍同順義王及跟隨頭目把漢那吉青把都
兒綽力庫台吉擺腰台吉周俺禿賴恰一併量

頒賞賜傳諭藏僧率衆回籍選差高僧伴送順義回
住原地聽朝廷就近號人約束套虜西虜一
槩守法住牧如不即回查照分定地方各該撫
鎮責差通官調取務期解勘此則目前宜然耳
且虜之信佛極爲誠篤使不因其機而利導之
則驅逐甚急反生別虞又必照依近行事例前
宣大總督王方每年行本鎮將肅州經僧
馬休卜刺見授指揮童赤卜刺欲復指揮祖職
每年遣送入虜傳教經典無非繫縻以堅納款
之義今藏僧既授有職事安其進
貢卽爲我屬民矣况佛僧原教皆稱入虜化胡仍

當行三年一次或鎖南堅索星吉藏卜輪流一名親來帶領高僧三名分途宣大虜王帳一名榆林寧夏之中共一名西海仰華寺一名二首僧往來其地撫化使各虜各居原地念經脩善其今次所准進貢之事每三年一次即隨所居虜營撫臣查照地方代進永為定例再照甘肅貧苦百物不產互市所費原有

京帑至於數年一應撫賞非於自里紙贖則出於商旅課稅亦間有脩築城支剩餘銀並木呈請錢糧亦未嘗扣派軍費於地方毫末涉悉皆一時措處以貧苦地歷數年之久

有寧能幾何達虜無知居海者求布施賞賜往
來者求喫食犒賞實無虛口况住久達虜若松
山賓免西海丙免等應酬雖煩原係分定市虜
俱各安靜守法是無俟言云云往來酋虜如超胡
兒一枝原不保本鎮市虜稱迎佛見虜王留
戀內地每費驅逐及出又指討降人尋牲畜
纏擾買賣生事考其所以於原市地方身不
親行止圖煩給賞賜在本鎮又討買賣未見多
有牛羊亦不過止討賞賜已見今順義在海
亦當講明凡遇各鎮互市有頭目正身方准
互市給賞如派住別鎮暫賞賜俟回日方給

其經行之虜縱使隨地告善牛羊過路盤纏並
不得妄索賞賜以又善後策制馭之權也蓋
虜王藏僧既培其根本以大勢而零虜碎枝
亦當裁抑以示警戒庶納誼之義斯可永久事
干虜情相應併議為此除使僧鎖南釋迦等
省令暫回西海聽候明文以合咨軍門煩為酌
議具奏施行等因并所進番表方物鞍馬
差官齎送到臣查先准兵部咨為虜王擁衆
離巢遠赴西寧海上孤懸重鎮萬分可虞懇乞
聖明速賜禁遏以保安疆圍重該巡按陝西監察
御史邢題該本部覆題欽依備咨內開

如果諸虜以建醮而求請禱祭油麩茶果之類亦須隨宜給發以慰虜情餘聽督撫諸臣隨宜撫處既不可過事周章以目生憂懼尤不宜示虜疑形以生虜心斯無外之化與無虞之戒並行不悖矣等因又准本部咨為虜酋率眾西行迎佛乞勅該鎮諸臣便宜防撫以戒不虞事又准本部咨為虜王垂涎茶市懇乞

聖明亟賜禁止以裨國計以固邊防事又准本部咨為夷情事俱題奉欽依備咨前來節經通行遵依續該前督臣黃將虜王俺荅經過甘肅地方防撫事宜及前赴仰華寺建醮鈴束

部落不擾地方緣由會同甘肅撫臣侯具

題訖續准本部咨准宣天總督侍郎吳咨為屬

王懇求撫賞預行酌處以慰夷情事合咨前去

煩將虜王請乞撫賞斟酌量給等因准此該臣

隨行甘肅巡撫侯斟酌議給務期撫處得宜

及行總兵官陳銳并守巡兵備等道通行各該

大小將領多方防撫去後續准巡撫侯咨稱

萬曆六年扁都口西海番首丙免等互市其跟

隨順義王俺答部落在海念經設黑各頭口屢

次懇討賞馬布施斟酌具准以抵四海頭目互

市之數部落雖衆人安撫守法並無騷擾等因

前來隨該臣具本題 知悉今准前因該臣

同巡撫甘肅等處地方贊理軍務兵部右侍郎

兼都察院右僉都御史侯 議照自古明王有

道守在四夷來則不拒制以之常道也曩者虜

酋俺荅以愛孫把漢那吉

朝廷制馭得宜彼遂感 恩荷義稽顙稱臣

錫以爵賞 隄其 貢市烽燧 警邊陲乎謚八年

於茲矣頃者俺荅信尚佛教率領伊爾把漢那

吉及頭目青把都兒綽力庫十台吉擺腦故台吉周

俺禿賴恰各隨帶部落前來西海仰光寺求見

烏思藏番僧荅賴刺麻名以與南堅來與其徒弟

阿撒賴刺麻名星吉藏卜生齋誦經談禪說法
遂尊崇二僧為活佛而二僧乃能勸化本酋與
把漢那吉等向善戒殺結修脩行以致俺答等
傾心信服守盟愈堅約束落落秋毫不擾今鎖
南堅叅星吉藏卜與藏主化化王長田力札釋藏
卜次男札釋堅叅因事效各各具番衣方物鞍
馬求託俺答亦具番表差鎖鎖南釋迦南迦札
釋管綽進貢懇乞復授事事北虜四夷相率
歸化寔由我

皇上聖德光昭海宇神威振荒遐及以萬國

永王四夷輸享順治威嚴誠誠於

今為獨盛而曠古所僅見也所據

進到番表方物相應差官代進以達悃誠

道里爲遠相應照海虜丙兔等貢馬并洮

一帶番僧進貢事例并鞍轡留邊聽候給軍

及照封授錫予自

朝廷出外夷之嚮風臣服固以得沾被為榮而

國家之懷遠綏來以假此以為羈縻之術虜王既

為各藏僧陳乞相應分別議處况俺答率衆西

牧已久若非早令還巢不但東虜無人鈴束抑

恐西海致生他虞因彼之求乞而示我之操縱

此其機也與夫申諭正酋互市禁戢徑行索擾

各事宜通應一併題 請伏乞 勅下禮兵二

部從長查議合無 俯順夷情將藏僧鎖南

等仍 頒給 勅書衣帽圖書星吉

裁卜亦量授職事給與衣帽仍與本藏闡化王

長男札釋藏卜次男札釋堅索先行厚加

賞賚以勵其效順之誠使鎖南釋迦等三名併行量

賞順義王俺答厚加 賞賚仍 降勅獎諭以嘉其

率賓之義跟隨頭目把漢那吉青把都兒等力

庫台擺腰台吉周俺充賴恰一併量

賞其藏主扎釋藏卜乞請 勅書復封事

典制酌議上 請定奪或行四

查明具奏仍容臣等選差通官傳諭鎖南堅
衆等率衆回藏另差高僧伴送俺答回住原巢
約東部落以後每三年一次鎖南堅衆星吉藏
卜輪流一名親帶高僧三名分給宣大虜王帳
一名榆林寧夏河套之中共一名西海仰華寺
一名二僧往來其地撫化各虜各居原住地方
設齋誦經戒殺脩善不許為非作歹仍乞著為
定例許令鎖南堅衆等每三年進

貢一次其所

進方物隨其所居虜地地方聽各

鎮撫臣就近會同各督臣差官代

進應給

車馬查給如果撫化有功亦聽臣等督撫官據

實奏請加職優賚以示厚勸仍通行各鎮及傳諭虜王鈐東部落以後互市俱許各頭目躬至市所方許交易給賞如或流住別鎮即將賞賜收貯俟回日方給不許別虜代領以長驕志至於各虜經行邊地缺少盤纏者許隨地告賣牛羊以資路費不許妄行纏討以啓騷擾之患各鎮亦不許濫行給與以資無厭之求其原進馬三匹容臣等查給無馬官軍騎征為此今下

原進番

表方物開坐具本專差指揮張九功齎捧代

欽差巡撫陝西地方都察院右僉都御史臣李光德
謹

奏為災報頻仍民隱可憂乞

勅當事臣上備查恤民事宜酌定經制以蘇困乏以
永治安事據陝西布政司呈蒙臣案驗前事行
間又據經歷司呈蒙巡按陝西監察御史張憲
翔趙楫案驗亦同前事等因抄呈到司依蒙查
取邊腹守巡等道及西安等八府州縣應裁應
留公費公差等項銀兩數目前來該本司左右
政使朱炳如會同按察司按察使孫坤覆加查
議斟酌裁留總計陝西通省原額均徭里甲銀

力二差及各衙門公費等項共該銀五十九萬三千七十二兩七錢三分八釐萬曆四年蒙巡撫陝西右副都御史董世彥巡按御史劉光國會議裁減銀三萬五千六百九十六兩四分一釐今復裁減銀三萬九千四百四十五兩五錢七分七釐存留銀五十一萬七千九百三十一兩一錢二分呈乞奏

請以後照此行令各該有司遵守編派等因具由仍分別總撤備細造冊通行呈繳到臣案查萬曆七年十月內准戶部咨該戶科都給事中郝傑看等題該本部覆議恭候

命下移咨各省巡撫都御史及咨都察院轉行各巡

按御史備行司道將各府州縣均徭里甲及各衙門公費銀兩公差人數凡一應錢糧但係小民出辦者通行清查議處某項應減某項應革某項仍舊查照各省賦役書冊舊式分類開造某州縣銀差若干力差若干各衙門公費若干量減若干止存若干原設人數幾名今量減幾名止存幾名呈報撫按衙門再行酌量會議財必求省亟除冒濫之姦事必求妥永立畫一之法固不可因循故習止報虛數虛文亦不可裁革過多使之難行難久陝西限明年二月具

奏本部覆議上

請行撫按刊布成書以司冠府以府冠州縣止用銀
力各差總數每州縣各另一冊備列細數以後
年分依此徵派永為遵守及申嚴撫按查訪各
有司有清約樽節實心為民者即行獎薦如堅
持故套仍前加派小民餽送交結以要聲譽者
指名叅究即贓非入已但係額外濫用者亦照
科斂例罷黜等因題奉

欽依備咨准此已經案行布政司會同按察司查報
裁留冊由前來看得各項銀兩數目冗濫尚多
又經駁行復查去後今據前因臣會同巡按陝

西監察御史趙植議照民間之苦累莫甚於里甲差徭而欲蘇其困疲尤急於除革冒濫今查陝省所屬西安等八府州縣歲派均徭里甲銀力二差及一切公費等項有司不能秉公覈實積書得以寅緣作弊相習故輒任意加編銀則恣肆糜費人則濫役生姦在官司以爲年年之成規雖皆稱便在小民乃受日日之剝取被累何堪茲者荷蒙

皇上俞允部科之議責成各該撫按諸臣查議裁革誠為祛積弊恤民瘼之

盛心也臣等待罪地方仰遵

聖明惠養元元之意悉心奉行期圖節愛督責布按
二司嚴加清查酌量裁革今據所呈各項銀兩
除前任撫按諸臣裁減過三萬五千六百有奇
今復裁減過三萬九千四百有餘計其先後共
減去七萬五千餘兩則於全陝久疲之民或稍
得寬恤矣既經該司反復查議前來相應具
奏及照裁定之數即當以來歲為始但本省四屬
例係二年一編其萬曆九年各項差銀等項預
行編定揭示刊冊矣若即更改恐啓姦人朋移
侵隱之弊應併議伏乞

勅下戶部再加查議上

請令無行下臣等轉行布政司將前各項銀兩除先
年裁減過銀三萬五千六百九十六兩四分一
釐外今次裁減過銀三萬九千四百四十五兩
五錢七分七釐自萬曆十年為始停免派徵仍
出示曉諭使各小民知悉以彰

朝廷寬恤之恩其存留應照舊實用銀五十一萬
七千九百三十一兩一錢二分刊刻成書以司
冠府以府冠州縣止用銀力二差總數每州縣
各另冊備列細數照此編派永為遵守仍嚴
諭有司官員務要痛滌前愆果有清約樽節實
心為民者聽臣撫按即行獎薦如有堅持故弊

通同積書人役仍復濫派以充私費者亦聽臣
撫按查訪得實照依該部所議論以科歛從重
叅黜如此庶冒濫既革而疲民獲蘇息之澤法
紀嚴明而有司免加派之弊矣

萬曆八年十一月

欽差巡撫陝西地方都察院右僉都御史臣李堯德
謹

奏為欽奉

聖諭事據陝西布政司呈稱卷查先蒙總督陝西三
邊軍務都察院右都御史石茂華并巡撫陝西
右都御史董世彥案驗俱為前事行間又據經
厯司呈抄蒙巡按陝西監察御史劉光國邢价
案驗亦為前事抄呈到司依蒙查得全陝各府
州縣自隆慶二年起萬曆二年止額解各邊鎮
民運夏秋糧草除各年徵解并陸續帶徵及奉
詔蠲免外仍有拖欠未完隆慶二年三年四年糧共

一十五萬四千七百六十二石七斗草三十五萬三千二百一十九束應照山東河南事例盡數

蠲免隆慶五年六年糧共一十九萬三千六百八十二石六斗草四十六萬五百九十五束并萬曆元年二年糧共一十七萬四千一百四十六石八斗草五十六萬九千四百九十八束俱應照例每年帶徵二分但陝西設臨邊徵地土瘠薄兼以水旱頻仍故見徵錢糧不能全完帶徵尤難催併縱使嚴刑峻法然民窮財盡不惟情有不堪抑且徒斃無益合無將前隆慶五六兩年

拖欠糧草亦行題

請免豁萬曆元二兩年未完糧草照舊帶徵其屯糧折價一節查得西寧衛被遭冰雹災傷軍士凋疲而萬曆四年見徵屯糧內九百九十六石每石應准折銀三錢以恤貧困其餘衛所俱應照舊徵納等因造冊通行呈詳總督撫按各院先將西寧衛萬曆四年見徵前項未完屯糧批行准令折價以示優恤訖及查民運錢糧存留本處者亦應併查

蠲免據呈尚未議及仍駁行本司再加查議蒙此行據西安等府各將民運存留錢糧查明併入起

祿之內分別已未完應徵應免數目冊由到司
覆查相同議照全峽稅糧外供四鎮邊餉內給
宗儀祿糧及官吏師生人等俸廩等項支用額數
已定難容拖欠第延平慶臨肇五府設在邊徼
土瘠民貧田無豐厚之獲歲多水旱之災所以
節年追徵不前積累欠數官司比較雖嚴小民
逋負如故西鳳二府雖居腹裏而邠州淳化麟
遊汧陽等州縣素稱疲累糧草亦多未完夫自
隆慶二年起六年止拖欠除二三四五年內奉
詔量免三分外仍該未完糧五十九萬八千八百五
十三石一斗八升九合七勺九抄六圭草八十

五萬六千三百五十四束一十二兩一錢五分
內五六兩年拖欠之數似應仍照山東河南事
規照舊帶徵但前項地方委俱窮困且係既往
年例終難盡完合無俯從會

題併行

蠲免其萬曆元二兩年該糧二十九萬九千九百五
十三石一升二合七勺三抄三撮九圭草五十
五萬五千七百二十三束六斤二兩三錢七分
仍照例帶徵庶錢糧不致虛存小民得霑實惠
等因造冊通行呈繳到臣接管卷查萬曆四年
九月內准戶部咨該本部題稱邊鎮錢糧山東

河南北直隸各省府自隆慶二年起至萬曆二年止拖欠二十五萬餘兩皆在見年以前之數若不酌量

蠲免則遭逢

恩諭之日而獨起運邊鎮者不得霑

恩其何以彰

浩蕩之盛查得隆慶二年三年四年

詔徵七分之數該銀六萬九千餘兩續止完得一萬七千餘兩歷年既久勢必難完况前項拖欠又係已往年例今無通行各邊鎮督撫衙門及各省撫按官查明盡數

蠲免其隆慶五年六年萬曆元年二年拖欠共銀一十八萬八千餘兩每年帶徵二分又查得山西陝西自隆慶二年起至萬曆二年止各拖欠分數雖據該撫按冊報尚無前後完數臣等查照冊報列在後開合亦通行各鎮督撫聽自會同各該撫按官查照山東河南前例分別年月久近分數多少酌議應徵應免數目一面

奏報施行一面造冊繳部查考至於各處原係存留本處地方以備歲支者難以懸斷本部亦咨各巡撫官查覈有無拖欠勘酌地方盈縮應免應徵具本

奏報又各處屯糧舊例原不改折但遇有災傷奏請議處災重者折銀三錢災輕者折銀三錢五分今漕糧既蒙

恩諭改折屯糧亦宜照例施行合行各該撫按衙門查果地方貧瘠軍士凋疲者本年見徵屯糧每石亦准折銀三錢以示優恤候

命下之日通行各鎮督并各省直撫按衙門督同司府州縣一體遵照施行仍備將

蠲免過并應徵錢糧各數目造冊

奏繳冊冊送部查考等因題奉

欽依備咨計開陝西布政司隆慶二年三年四年未

完糧三十四萬三千八百石八斗草一百九萬
六千四十四束隆慶五年六年未完糧二十一
萬二千四十七石草七十萬四千六十一束萬
曆元年二年未完糧二十萬一千九百三十二
石一斗草六十萬二千五百三十九束一議改
折屯糧本部原無額數聽彼處撫按徑自查照
前開則例施行准此行間又准總督右都御史
石茂華咨准戶部咨同前事該前任巡撫右副
都御史董世彥案行該司將本省應徵應免邊
鎮糧草查報前來祇因存留錢糧未曾議及又
經駁行再查及該前任撫臣傅希摯并臣接管

嘉慶二十二年
三
屢行催查去後今據前因除西寧衛萬曆四年
見徵屯糧內九百九十六石原被冰雹災傷軍
士凋疲已該前任總督撫按諸臣批行該司每
石折銀三錢以示優恤無容再議外該臣會同
總督陝西三邊軍務都察院右都御史兼兵部
左侍郎部光先巡按陝西監察御史張憲翔趙
楫議照全陝乃西北重地而沿邊且番虜為鄰
較諸他方誠屬衝要其應徵賦稅在

朝廷為經

國之需在小民為惟正之供雖毫釐升合亦難容
於逋負但本省地方延袤廣闊田有墾腴之殊

民有貧富之異中間易完郡邑不待官司鞭朴
即爾依期通完至於疲敝去處縱加嚴刑峻法
竟難盡輸所以年復一年積負數多茲者荷蒙
皇上憫念黎元

特賜

聖諭下部查議

蠲免則

浩蕩之洪恩誠千載之奇逢也今據該司查議要將
隆慶六年以前者盡數

蠲免萬曆元年以後者照舊帶徵雖與山東河南事
例稍有不同第所欠之數皆係已往年例且歷

歲既久勢必難完據其該司所議無非推廣
聖意寬恤生民之意相應奏

請如蒙

勅下戶部再加查議合無行下臣等備行布政司通
行所屬各府州縣將隆慶二年起六年止糧五
十九萬八千八百五十三石一斗八升九合七
勺九抄六圭草八十五萬六千三百五十三束
一十二兩一錢五分盡行

蠲免以彰

朝廷休息貧民之典其萬曆元二兩年糧二十九
萬九千九百五十三石一升二合七勺三抄三

豫九圭草五十五萬五千七百二十三束六斤
二兩三錢七分仍照例每年帶徵二分務期通
完若各府州縣掌印管巡官員怠緩催徵不行
依期完報者查照

明例從重懲處如此庶法紀昭明而有司免致廢事
免廣施而小民均霑實惠夫

萬曆八年二月

欽差巡撫陝西地方都察院右僉都御史臣李堯德

謹

題為查議驛傳以蘇疲困事據陝西布政司呈蒙

前任巡撫右副都御史董 批據本司驛傳道

呈蒙本院案驗照得陝西地方遼遠事體參差

即以驛傳一事論之有召募者有親當者有州

縣大而馬羸牛頭編僅十之二三者有州縣小

而馬羸牛頭編至十之七八者有糧輕而站價

亦輕者有糧重而站價亦重者若不稍加調劑

叅互折衷輕者無論已如重者偏累何備仰本

道即便會同布按二司并在省在外各道將驛

傳召募事宜稽諸往牒酌諸民情采之輿論從
長查議應否將西鳳延慶平涼五府所屬各驛
遞馬羸牛頭分別衝僻每匹頭定銀若干俱照
糧石均攤通融較比哀多益寡務俾輕者獲蘇
重者不累在西鳳二府應否官為召募與臨鞏
漢中三府一體施行在延慶平涼三府應否仍
存頭役或親當或雇募聽其自便而價值一以
官定為準不得擅自增損其各所牛頭應否稍
做山西事規酌量衝僻定議車輛夫頭名數與
夫合用工食草料每年共計該銀若干或今車
夫常伺候者若干外剩銀若干應否收貯在官

以備臨時不敷雇募應用與其餘未盡事宜議
擬明白通行呈詳以憑施行又蒙巡按陝西監
察御史劉 案驗亦為前事照得本院巡歷所
屬諮訪民瘼念謂陝民苦累莫甚於驛遞頭役
若求調停莫善於徵銀召募合行查議備行本
道會同本司并守巡談道即便查議西鳳二府
馬驢頭夫應否徵銀雇募近驛殷實居民代當
若果有裨於民就將合用馬驢價銀草料工食
酌量地方衝僻物價貴賤各擬定數每馬一匹
談銀若干驢一頭談銀若干寧稍寬裕使募夫
樂從與其餘未盡事宜一一從長計處務要事

體穩妥經久可行通行呈詳以憑施行蒙此該
本道左叅政李戴會同在省各司道議將各驛
遞西鳳漢三府徵銀召募延慶平三府仍存頭
役酌驛遞之衝僻定頭價之多寡查別驛之貧
富擬徵銀之高下與夫各項事宜逐一列款通
呈巡撫都御史董 蒙批據議官以所擬可垂
經久仰布政司會同守巡該道即行分投
召募完日冊報以憑具

奏應禁條款摘出總示曉諭欣動聽

於此其臨鞏二府所屬富壻亦有

照各就行屬稍稍調停仍會同分守

再酌之仍查五年應裁支值銀兩應於某年某季分減派查明揭報施行蒙此又據經歷司呈沙蒙巡按陝西監察御史董詳批頭役為陝民苦累久矣革去頭役易以召募而又酌衝僻堵腴之宜詳節縮禁約之制舉而措之陝民其蘇矣但槩言召募未及替換之期且徒立一活法聽民自為之恐澤猶泥而不行也所定各驛馬驢等價固知有權存焉若論大體一馬而用數百一驢而用數十或至百十此列省所無人之所駭聞者然稽其實用則又不減是數是用雖實而名則濫將無以請

命於上名不正則事不成又何以責成於下本院謂
莫若再查各驛昔以一馬而包用五匹者即以
五匹召募包三四匹者即以三四匹召募昔皆
包馬今皆實數銀不加而名亦正似為近妥以
是而請於上豈不明且易見哉至於牛夫歲
用之銀似覺太濫鋪陳造作之法似有過奢布
政司仍會同按察司各道再加酌議通詳行繳
依蒙備行各道委官召募及將應禁事宜徧示
曉諭仍行再議間又蒙巡撫右副都御史傅
批據分巡關西道呈稱長寧隴汧等處始因關
山林稠虎盜叢生公差皆由止踞高平等驛經

行續因山開盜息率由南路合用馬匹廩糧在隴汧俱係本州縣應付在長寧取給甲軍苦累逃竄似與秦伏等州縣事體相同合無摘掣北路之有餘以補南路之不足等因蒙批仰驛傳道會同守巡關西道從長查議務使事體人情俱各妥便通詳定奪此繳行間又蒙本院看得驛傳重務節經集議雖業已施行恐中間猶有未妥確者屢催司道再加綜覈以憑具

題及蒙本院查得先呈驛傳款開西安等府協濟各處站銀數多經該官吏往往自分彼此視站銀若加派以協濟為緩圖不肯及時徵解以致

申討紛紜牌仰本司即便會同按察司并驛傳
道查議西安等府歲徵站銀應否再加調劑各
照地方之等差定為站銀之規則其分發各邊
各府州縣者應否裁去協濟名色止與本處站
銀一例徵完收貯府庫聽驛傳道酌量緩急分
發應用官民有無兩便作速會議施行依蒙行
准驛傳道并守巡關內關西關南隴右河西固
原臨鞏洮岷潼關榆林神木靖虜兵備兵糧等
道各將掣改馬驢量減牛隻應增應損各項事
宜逐款查報前來該本司掌印左布政使朱炳
如右布政使張國彥會同按察司署印分巡關

內道副使李時漸驛傳道左叅政李戴提學道副使李維楨分守關內道左叅議徐汝翼屯田道僉事賈館議照全陝地方內通三邊四鎮傳報齋奏轉輸軍餉外達諸夷川貴進

貢朝賀解運錢糧往來公使絡驛不絕較比別省極為衝繁共設驛遞一百八十九處馬驢牛船一萬一千四百七十一匹頭隻向因差無定規費出不經額外科派之弊漫無限量小民私幫之苦不可勝言先年議改官支民困小蘇然頭役尚存驛遞視為寄貨一遇更頭官吏需索見面牌頭科歛使費百樣剗剗加以差遣人負

分外需求稍不遂意輒行凌虐弊端種種難以
枚舉況僉頭人戶率多隔遠親詣不便私雇代
當而積猾攬募又多方勒索如中馬一匹原編
銀九十兩下馬八十五兩往往多至三四百金
故僉頭之家必至破家蕩產小民馬得不窮逃
驛遞馬得不疲累耶今蒙各院軫念民瘼議令
徵銀官為召募誠解懸之良策除臨鞏二府先
有題奉 欽依見行召募外延慶平涼三府驛
遞稍僻百姓辦銀不便各願仍有頭役西鳳漢
三府路當衝繁徵銀頗易俱情願募當業已試
行年餘民果實需省惠至於西安等府嚴徵站

銀原以夏秋粮石起派分解各邊及各府州縣
支用因其地方衝僻相懸驛分用銀迥別故裒
多益寡劑量調停以此處之有餘補彼處之不
足闔省通融原無協濟之說後來官吏因循玩
愒將徵解外府銀兩稱為協濟緩於催徵每每
解不及時亦應酌處等因與夫一切應議事宜
斟酌損益列款登答通行呈詳前任巡撫右副
都御史傅祇因掣減牛價等項未明駁查聞
本官陞任該臣接管以來屢行查催覈議去後
今據前因除召募頭役之法禁單科索之弊已
該前任撫臣批行司道偏示曉諭無容瑣

續外臣會同巡按陝西監察御史張憲翔趙揖議照

通變以宜民為貴節省以覈實為先全陝民瘼
莫苦於驛遞之供尤莫甚於僉頭之累緣親當
不便私雇募積猾勒索漫無紀極而為之應
頭者又往往指一科十大家侵費何惑乎小民
之困極而驛遞之疲弊也茲從長議擬將西鳳
漢三府單頭徵銀官為召募延平慶三府仍存
頭役或親當或雇募聽從民便而馬驢頭匹之
工費又各酌議規則已經試行二年餘矣上下
稱便似屬可久惟派徵站銀視舊額雖若少增
然詳覈其實所省不啻過半是無節省之名而

有節省之實法莫良於此者及照萬曆八年又
當更審之期既經司道多官會議前來相應列
款題請如蒙勅下該部再加詳議上

請行下臣等欽遵再為明白開行所屬永為遵守庶
經制一定驛遞有裨疲困之民自此獲蘇矣
計開

一酌衝疲以定頭價臣等看得驛傳之衝疲不
同頭匹之多寡當審全陝驛遞往時頭匹有
額而衝僻未分止是因習舊規以致勞逸不
均今值更變之始亟應調停以蘇徧累該前
任撫按諸臣行據該司呈准守巡關南道議

稱漢中各驛馬驢價銀原係近年創議召募
恐人不樂從故稍從寬裕今行之二年始覺
大豐似當量減又談固原道查稱永寧馬驛
額僉馬驢四十三匹頭原額價銀二千二百
六十四兩今各募夫告要加增隨該驛傳道
議乞量增銀一百八十八兩於減扣各所牛
隻銀內撥補又該分守隴右道議稱臨鞏二
府近因關山路開一應公差往北路多由
南路故慶平洮陽二驛差撥加繁安會一帶
并洮岷驛遞差撥稍簡應將臨洮府協濟華
昌之泰清寧伏通遠五州縣驛下馬四匹驢

五頭內掣改洮陽驛馬一匹驢一頭慶平驛
驢二頭其餘馬三匹驢二頭俱行裁減其鞏
昌府屬保寧青家西鞏延壽秤鈎灣洮州六
驛各減下馬一匹共六匹改抵臨洮府掣減
前項秦清等五州縣驛馬驢之數又准驛傳
道查稱各驛原議馬價似應量加增益其應
增銀兩俱於減扣牛隻銀內撥補等因該本
司會議得漢中各驛路當棧閣山險崎嶇額
頭甚少如正馬一匹率以十數匹副之先年
僉頭正戶親當不便私雇近驛居民代當每
馬寫至八百餘金續該驛傳道分別衝僻每

匹定銀二百八十兩或二百四五十兩每驢
定銀一百八十兩或一百四五十兩自萬曆
五年為始徵銀召募視昔僉頭私雇之費已
蠲十之四五矣即今行及二年猶覺銀數太
多守巡該道議要裁減不為無見西鳳二府
上年亦議召募斟酌衝僻定價每馬多則一
百七十兩少至一百二十兩每驢四五十兩
以至三十餘兩自萬曆六年為始試行年餘
民皆稱便今查西鳳漢三府各驛額定馬驢
原議等差續因頭數已定不欲增損於頭於
頭價隨時低昂故馬價列有十四等驢價亦

不下十餘等是頭數既有多寡而頭價復有
高下不惟事不畫一難於稽查抑且文移瑣
繁不便縷分且各驛馬差嘗稱繁而驢差嘗
稱簡既行召募止當計驛之衝疲實用銀若
千而馬驢價值三府雷同銀多而馬驢自多
銀少而馬驢自少事體歸一人無藉口合每
馬定銀一百一十兩每驢五十五兩脫有輕
重之別即二驢可併一馬雖馬驢均撥亦無
偏累查得三府屬京兆驛設在會省實用銀
七千一百五十兩應定馬四十五匹驢四十
頭渭水驛當川貴諸省之孔道四鎮八府之

交衝實用銀五千五百兩定馬三十匹驢四十頭潼關潼津華山豐原新豐五驛係兩京各省之通衢內豐原驛多淫高一踞且隔淫渭二河道理頗遠實用銀五千六十兩定馬二十六匹驢四十頭潼關潼津華山三驛各實用銀四千九百五十兩各定馬二十五匹驢四十頭新豐驛視豐原迤東少淫高一路實用銀四千六百二十兩定馬二十三匹驢三十八頭底張威勝永安新平四驛路接寧固甘肅三鎮各實用銀三千九百六十兩各定馬二十四匹驢三十二頭宜祿驛視新平迤

南少寧夏慶陽一路實用銀三千五百二十
兩定馬二十四驢二十四頭岐陽驛設在附
郭實用銀二千九百七十兩定馬一十七匹
驢二十頭白渠郃城鳳泉岐周四驛路接川
貴臨鞏陳倉東河草涼梁山四驛視岐周迤
東雖少臨鞏一路然棧閣崎嶇道里頗遠俱
應一例各實用銀二千五百三十兩各定馬
一十五匹驢一十六頭漢陽驛設在附郭視
岐陽稍僻三岔松林安山武關馬道青橋關
山七驛視梁山迤東少徽當一路內漢陽松
林馬道三驛原係民站各實用銀二千三百

一十兩各定馬一十三匹駟一十六頭其餘
俱係軍站各有甲軍相兼走遞開山驛軍少
驛渡實用銀一千九百八十兩定馬一十二
匹駟一十二頭青橋武關安山三驛甲軍稍
多各實用銀一千六百五十兩各定馬一十
匹駟一十頭三岔驛軍多路近實用銀一千
四百三十兩定馬九匹駟八頭黃沙順政青
陽金牛栢林黃壩六驛止接川貴視開山遞
北少漢南一路內順政金牛黃壩三驛軍少
民站各實用銀一千九百八十兩各定馬一
十二匹駟一十二頭其餘俱係軍站

軍相兼走遞黃沙驛軍少驛渡實用銀一千
四百三十兩定馬九匹驢八頭青陽栢林二
驛申軍稍多各實用銀一千二百一十兩各
定馬八匹驢六頭建忠順義漆水三驛路通
榆林延安內建忠多淫高一路實用銀一千
六百五十兩定馬一十匹驢一十頭順義漆
水二驛各實用銀一千四百三十兩各定馬
八匹驢一十頭延慶平涼臨鞏五府驛遞向
係食頭內臨鞏二府先經河西按院查議近
驛者准令親當隔遠者於正頭名下徵銀官
為召募題奉

欽依遵行已久今據隴右道既議前因合將臨洮府
協濟鞏昌府秦清等州縣驛下馬四匹驢五
頭內掣改洮陽驛馬一匹驢一頭慶平驛驢
二頭其餘馬三匹驢二頭俱裁減其鞏昌府
屬保寧青家西鞏延壽梓鈎灣洮州六驛各
減下馬一匹共六匹俱改抵臨洮府掣免前
項之數其餘各照原

題遵行延慶平涼三府除永寧馬驛召募年久今
稱不敷量增銀一百八十八兩於減扣牛價
銀內撥補外如瓦雲安寧白水高平瓦亭隆
城涇陽七驛路通固原甘肅差撥頗繁雖與

西安宜祿接連然各驛俱不置買馬匹止備
騾頭走遞用價頗少其馱頭又與馬站相兼
撥差較比宜祿等驛頗輕又當另為一等每
馬定銀一百一十兩每馱三十八兩政平彭
原華池弘華靈佑曲子靈武清平山城九驛
路通慶陽寧夏雲陽翟道三川廊城撫安舍
明干谷文安奢延石嘴青陽銀川一十二驛
路通延安榆林雖與西安新平涇水等驛接
連而各驛亦不置馬俱係騾頭且與馱站一
例差撥又當另為二等每馬定銀一百兩每
馱三十五兩義合河西二驛止通山西隆益

張村宋莊邵莊四驛接連延慶園林一驛止
通靖邊驛馬關賈家井彭陽城三驛止通固
原大沙井一驛止通寧夏榆林驛設在鎮城
與歸德魚河一驛俱係解銀協濟以上十四
驛又當另為三等各照原編銀兩取給在西
鳳漢三府徵銀官為召募在延慶平三府仍
存頭役照依後款議定事規遵行如此庶輕
重適宜而人無不均之嘆矣伏乞

聖裁

西安府屬一十七驛共定馬三百五十五匹
每匹上料銀一百一十兩駝四百九十二頭

每頭工料銀五十五兩共用銀六萬六千一百一十兩內糧站銀六萬三千九百五十一兩扣留牛價銀二千一百五十九兩

鳳翔府屬五驛共定馬七十七匹每匹銀一百一十兩駝八十四頭每頭銀五十五兩共用銀一萬三千九十兩內徑留平涼各所牛價銀一千六百五十兩六錢

漢中府屬一十八驛共定馬一百八十一匹每匹銀一百一十兩駝一百八十六頭每頭銀五十五兩船六隻每隻水夫工食銀二十八兩八錢共用銀三萬三百一十二兩八錢

平涼府屬九驛原額中下馬一百六十二匹
驢二百四十八頭定價不等共該用銀二萬
六千七百九十三兩內扣留牛價銀一百八
十八兩

延安府屬二十驛原額中下二百三十一匹
驢一百七十八頭定價不等共該用銀二萬
八千一百兩

慶陽府屬一十四驛原額中下馬一百三十
三匹驢二百六十六頭定價不等共該用銀
二萬一千九百七十九兩

鞏昌府屬一十九驛共定中下馬一百七十

匹驢二百七十頭各價不等共該用銀二萬三千五百六十兩

臨洮府屬一十一驛共定中下馬一百三十二匹驢一百四十一頭各價不等共該用銀一萬六千六十二兩

寧夏所屬六驛原額中下馬二十八匹驢一百二十八頭定價不等共該用銀六千五百五十六兩

甘肅所屬一十一驛原額中下馬一百五十一匹驢一百八十七頭定價不等共該用銀一萬四千一百一十七兩四錢

一裁支應以定經費卷查萬曆四年六月內准
兵部咨為查處驛遞銀兩以昭

聖恩以寬民力事該保定巡撫都御史孫丕揚等題
前事備行前來已經案仰布政司即便會同
驛傳道速查通所屬驛遞每年某某驛遞各
額徵工料支應銀各若干已支若干餘剩若
干見貯何庫計筭積至幾年約句一年支用
即應免派一年用寬民力依蒙會同驛傳道
議照陝中道里遼瀾驛遞星羅內有四鎮八
郡之轉輸外有各省番夷之進

貢路當凡道事係邊情較諸別省尤為繁劇查得

全陝共設一百三十驛五十九遞運所額編馬驢牛船俱係僉頭坐戶自行置買走遞先年差多費廣民間陪累無窮近來差少役閑節省過半比之北直隸山西等處徵銀在官按月雇募者不同故樽節雖多難以數計惟有各驛支應銀兩先年亦派於夫頭名下聽其自行收取輪日支銷向因浪費不經自萬曆二年議允徵銀改作官支酌量地方衝僻定為規則通省共派支應銀六萬四百八十九兩視諸往昔十中已蠲其四五矣迨自萬曆三年七月以後遵奉

新例一切牌票槩行禁止驛遞應付者止於勘合一項日積月累羸羨頗多行據原委西安等府同知等官沈紹先等查報各驛餘剩支應銀足供一歲正用較之未裁以前所省又不啻五六矣除甘肅寧夏二鎮并臨鞏漢三府所屬共六十五驛該支應銀一萬二千四十二兩原係西鳳二府協濟之數據申地方踰遠解銀不齊俱各僅僅足用無容別議外其西延等五府所屬共六十五驛額徵支應銀四萬八千四百四十七兩內西安府原派銀一萬七千二百六十二兩延安府原派銀八千

三百五十二兩慶陽府原派銀六千八百七十六兩鳳翔府原派銀三千二百七十六兩平涼府原派銀一萬二千六百八十一兩今查西安府每年實用銀九千八百八兩扣貯三四兩年節省銀一萬二千二百三十八兩一錢除萬曆五年扣抵免徵外尚餘銀二千四百三十兩一錢延安府實用三千六十兩扣貯三四兩年節省銀六千六百三十三兩除萬曆五六兩年扣抵免徵外尚餘銀五百一十三兩未完民欠銀二千五百五十四兩九錢慶陽府實用銀一千九百八兩扣貯三

四兩年節省銀四千六十八兩除萬曆五六
兩扣抵免徵外尚餘銀二百五十二兩未完
民欠銀四千九百五十九兩一錢鳳翔府實
用銀二千一百二十四兩扣貯三四兩年節
省銀三千二百五兩一錢除萬曆五年扣抵
免徵外尚餘銀一千八十一兩一錢平涼府
實用銀五千一百一十二兩今稱各年支應
銀兩支銷盡絕並無扣貯止有未完民欠銀
一萬四千二百六十九兩四錢總計五府每
年止用銀二萬二千一十二兩該省銀二萬
六千四百三十五兩自萬曆三年七月起至

四年終止共節省銀二萬六千一百四十四兩二錢拖欠在民者不與焉除西鳳二府各免徵一年延慶二府各免徵二年外尚有扣餘銀四千二百七十六兩二錢并漢中府積餘銀六百八十三兩五錢共該銀四千九百五十九兩七錢卽今行之殆及二年未嘗有不足之計較前實用即可定爲額數以後西安府止徵支應銀九千八百八兩減派銀七千四百五十四兩平涼府止徵銀五千一百一十二兩減派銀七千五百六十九兩鳳翔府止徵銀二千一百二十四兩減派銀一千

一百五十二兩延安府止徵銀三千六十兩
減派錢五千二百九十二兩慶陽府止徵銀
一千九百八兩減派銀四千九百六十八兩
等因前來臣等覆查相同除批行該司將前
各驛應減應徵支應銀兩俱自萬曆七年為
始查照實用之數派徵應用候有餘銀再行
扣減用寬民力外其各府前項見徵未完銀
兩俱係姦民拖欠合無嚴行各州縣勒限追
徵務要通完與前扣抵餘銀四千九百五十
九兩七錢俱另項收貯再議免徵如此庶費
出有經而小民受賜矣伏乞 聖裁

西安府屬京兆等一十七驛實用支應銀九千

八日八兩

延安府屬金明等二十驛實用支應銀三千六

十兩

平涼府屬高平等九驛實用支應銀五千一百

一十二兩

慶陽府屬弘化等一十四驛實用支應銀一千

九百四十八兩

鳳翔府屬岐陽等五驛實用支應銀二千一百

二十四兩

漢中府屬漢陽等一十八驛實用支應銀四千

五百九十五兩

臨洮府屬洮陽等一十一驛實用支應銀原議一千八百一十四兩四錢

鞏昌府屬通遠等一十九驛實用支應銀原議三千一百八十九兩陸錢

寧夏所屬在城等六驛支應銀原議一千九十四兩四錢係西鳳延安三府徵解

甘肅所屬沙井兒等一十一驛支應銀原議一千三百七十一兩六錢係西安府徵解

一減夫車以均轉輸臣等看得各遞運所隨已設有衝僻而編大略相同苟無分別則難

不均之嘆歷查各所差撥底簿以一歲通駭計筭大率俱有餘力該前撫按諸臣備行該司行准分守關西道議稱平涼各所每編牛一隻即車一兩夫一名今每年議給淨銀二十兩止備轉輸軍需經過輜扛應用大率用日少而曠日多此外別無夫役且各所相去不過四五十里斟酌衝僻應將高家凹涇州花家莊上郡現固原隆德神林靜寧高家堡九所各減牛一十五隻平涼瓦亭安國鎮三所各減牛一十隻共減牛一百六十五隻該銀三千三百兩免行僉頭又准分守隴右道

議將臨洮府協濟鞏昌府之好地掌錦布峪
甸子川三所牛一十五隻掣免作節省將青
家翟家嘴會寧西鞏安定秤勾灣六所各減
牛二隻梅川野狐橋二所歸併一處梅川所
減牛一隻共一十三隻改抵臨洮掣減前數
又准驛傳道議將潼關起至乾州止每牛一
百隻量減五隻蒿店起至宜祿止每牛一百
隻減扣一十隻共減銀三千八百五十七兩
又將鳳翔府原僉平涼各所牛隻共減銀一
千六百五十兩六錢俱改抵各驛加增馬價
支用其該府既有編派平涼牛隻而平涼却

又協濟該府牛七隻彼此徵解往返不便各
應抵數換回及稱西安府設在腹裏各所額
派秋青馬草半係折價每年該銀一千三百
餘兩無所支銷若有忙差此項銀兩足供應
用其應扣牛隻雇夫銀兩相應於槩府額糧
內通融免徵又准該道議稱南路隴汧二州
縣并長寧驛近因關山路開差撥加繁北路
平涼一帶差撥少簡各遞運所每牛一隻原
定工食銀二十兩秋青草銀三錢似屬尚多
每隻再減銀一兩止給一十九兩三錢所減
銀兩於內應給隴州一百兩汧陽縣二百五

十兩長寧驛六百五十兩召募民馬與甲軍里甲馬匹相兼走遞其餘銀兩平涼府收貯以備忙差雇夫支用其西安府各遞運所站道與平涼相等亦宜一例酌減等因通呈詳允備咨本司查得各遞運所原額牛隻鳳翔之編派平涼者十分之九西安之協濟臨洮者十分之七鞏昌者亦十分之五若倣倣山西扣留之法似俱可行相應酌量衝僻定擬應扣留以適均平之宜除各道已議改掣外及查西安遞運所設在會省差撥頗繁量扣牛一百十隻存留二百九十隻霸橋起

潼關止當京諸省之通衢咸陽所又加川中
各邊之轉運七所差撥亦繁內灞橋新豐二
所視渭南咸陽少涇高一略各減扣二十隻
存留一百八十隻其餘潼關華陰羅汶橋渭
南咸陽五所各減扣一十隻存留一百九十
隻底張起至邠州止共五所視咸陽迤東少
鳳漢川貴臨鞏一路內底張蒿店底窖三所
設在腰站各減扣三十五隻存留一百六十
五隻乾州邠州二所設在附郭各減扣三十
隻存留一百七十隻停口宜祿二所視邠州
迤南少慶陽寧夏一路與平涼各所衝僻相

同內停口設在腰站減扣五十隻存留一百五十隻宜祿亦有駐劄同知減扣四十五隻存留一百五十五隻高家凹起至安國鎮止共五所路接宜祿止通固原甘肅然各所額頭原少俱照該道前議高家凹花家庄上郡現安國鎮四所各減扣一十五隻存留一百五十五隻涇州有守道駐劄減扣一十五隻存留一百六十隻平涼所設在附廓孝學所路當交衝各減扣二十隻存留一百八十隻固原所雖在鎮誠止供一路減扣一十五隻存留一百四十隻隆德所起至定遠所止共

一十二所俱接甘蘭鞏昌一路內隆德高家堡靜寧神林翟家嘴五所各減扣一十五隻青家會寧安定三所各減扣一十八隻西鞏秤勾灣二所各減扣一十七隻金縣所減扣九隻定遠所減扣一十四隻俱各一例存留一百四十隻蘭州所係甘肅接境減扣一十二隻存留一百六十隻鞏昌北關通運所設在附郭差撥亦繁量扣一十隻存留九十隻柳林所路當偏僻減扣一十隻存留七十隻石井兒沙泥梅川甸子川好地掌錦布峪六所尤為偏僻各減扣五隻存留三十五隻定

羌寧河河州三所各額牛二十五隻酒店所
三十六隻三岔所三十五隻野狐橋所二十
隻路雖偏僻數亦不多與河西各自来原係
解銀召募俱各照舊免行減扣價值在西平
二府俱每隻二十兩三錢在臨鞏二府俱每
隻照舊二十一兩在河西各所亦照舊一十
八兩應存留牛隻係西鳳二府徵銀者照舊
召募係平定臨洮三府僉頭者親當召募查
照前欵遵行其減扣銀兩在西平二府除改
抵馬價等項并免徵外其餘俱解該府貯庫
如遇番夷進貢軍餉轉輸夫車一時並集

果係十分不常繁差臨時方許議請官銀聽
其雇募短差每十里每夫給銀一分騾車六
分牛車一分五厘照依地里遠近以爲二食
多寡仍令所官置簿明白登記事完在西安
者送驛傳而在平輦臨洮者送守巡談道各
稽查若係平常差撥止令見在之夫以有餘
補不足照常應役如此一以杜冒濫之弊一
以免查盤之擾伏乞 聖裁

西安府屬西安等一十五通運所共額牛三千
一百隻內除裁減一百八十五隻外餘牛二
千九百一十五隻每隻工料秋青草銀二十

兩三錢共用銀五萬九千一百七十四兩伍錢

存留各所走差牛二千七百四十隻每隻議減銀一兩共減銀二千七百四十兩止給銀一十九兩三錢實用銀五萬二千八百八十二兩

扣留牛一百七十五隻共該銀三千五百五十二兩伍錢連前走差牛減銀共六千二百九十二兩五錢內除撥補本府各驛馬價銀二千一百五十九兩又撥抵鳳翔府減徵站銀一千一百兩尚餘銀三千二十三兩五錢該

府貯庫聽候忙差雇夫并各所官紙紅等項
支用

平涼府屬平涼等一十二遞運所共額牛二千
三十隻每隻工料秋青草銀二十兩三錢該
用銀四萬一千二百九兩

存留各所走差牛一千八百四十隻每隻議減
銀一兩共減銀一千八百四十兩止給銀一
十九兩三錢實該用銀三萬五千五百一十
二兩

扣留牛一百九十隻共該銀三千八百五十七
兩連前走差牛減銀共五千六百九十七兩

內除撥補永寧馬驛馬價銀一百八十八兩
鳳翔府徑留抵補各驛馬價銀一千六百五
十兩六錢又留抵補減徵站銀七百四十七
兩六錢二分二厘二毫分撥隴州銀一百兩
汧陽縣二百五十兩長寧驛六百五十兩餘
銀二千一百一十兩七錢七分七厘八毫俱
解平涼府貯庫聽候忙差雇夫并各所官紙
紅支用

臨洮府屬蘭州等九遞運所共額牛七百七十
隻每隻站銀二十一兩共用銀一萬四千九
百一十兩

存留各所走差六六百五十五隻該銀一萬三千七百五十二兩

扣留牛五十五隻該銀一千一百五十五兩該府貯庫聽候耕種雇夫并各所官紙紅等項支用

鞏昌府屬北關等十四遞運所共額牛一千二百九十四隻內裁減一十三隻餘一千二百八十一隻每隻站銀二十一兩共用銀二萬六千九百一兩

存留各所走差牛一千一百六十一隻該銀二萬四千三百八十一兩

扣留牛一百二十隻該銀二千五百二十兩該
府貯庫聽候忙差雇夫并各所官紙紅支用
酌派徵以蘇疲困臣等看得全陝州縣設有
邊腹不同而地土肥瘠亦異額派糧站如通
融較論固當以八府分差等若細加調劑仍
當於各府所屬之中亦分等第庶適輕重之
宜該前撫按諸臣已行該司查得西安府屬
三十六州縣如涇陽三原渭南臨潼藍屋鄠
縣華州蒲城同州朝邑韓城富平咸寧長安
一十四州縣地豐民富宜為一等共糧四十
七萬七千四百六石一斗九升每糧一石派

銀二錢六分七厘咸陽高陵藍田興平醴泉
華陰郃陽商州鎮安洛南山陽乾州武功一
十三州縣地土稍豐宜為二等共糧一十七
萬五千五百四十一石四斗五升每石派銀
二錢五分八厘其餘州縣俱宜三等內耀州
白水商南邠州澄城五州縣地方雖疲猶可
支持共糧一十一萬三千六百九十一石二
斗六升每派銀二錢四分七厘淳化永壽三
水三縣民鮮生理地土瘠薄共糧五萬四千
九百一十四石三斗五升每石派銀二錢四
分一厘同官縣比昔繁累額糧一萬一千一

百九石二升每石派銀二錢二分三厘一絲
華耀二州韓鄆郃商富永山七縣共查布三
萬二千六十三疋一丈綿花七千一十一斤
每布一疋花二十斤派銀一錢鳳翔府屬八
州縣原派站銀頗重通應量減如鳳翔岐山
寶雞隴州郿縣五州縣地土肥饒宜為一等
共糧一十二萬六千四十石九升每石派銀
二錢六分九厘八毫六絲一忽四微八纖四
塵一眇扶風縣雖居衝途民生稍豐宜為二
等額糧三萬七千一百九十五石一斗七升
每石派銀二錢六分七厘四絲三忽一微二

織四塵五眇麟遊縣雖僻邑小稍累汧陽縣
雖繁站役漸減二縣宜為三等共糧二萬七
千四百四十四石六斗每石派銀二錢五分
九厘八毫七絲漢中府屬一十六州縣共糧
三萬三千一百七十一石一斗大都額數俱
屬輕省每石派銀九錢五分八厘九毫四絲
查布五百九十七疋七尺每疋派銀三錢平
涼府屬一十州縣地臨邊境素稱疲累比之
別府不同難列一等如涇州固原靜隆德莊
浪崇信平涼七州縣雖疲猶可宜為二等共
糧七萬七千六百石二斗七升每石派銀二

錢五分四厘鎮原靈臺華亭三縣疲累為甚
宜為三等共糧六萬六千六百七十八石每
石派銀二錢三分六厘延安府屬一十九州
縣地臨邊境亦與西鳳不同難列一等如鄜
州安塞保安安定延川甘泉延長中部綏德
米脂清澗一十一州縣雖稱疲累猶可支持
宜為二等共糧七萬七千三百六十五石每
石派銀二錢四分一厘洛川宜君膚施宜川
神木府谷吳堡葭州八州縣素稱凋疲宜為
三等共糧八萬八千六百二十石每石派銀
一錢九分六厘慶陽府屬五州縣地臨邊境

土壻民貧與延平二府相類如環縣合水真寧三縣稍稱疲累宜為二等共糧一萬五千一百二十九石每石派銀二錢五分九厘寧州安化二州縣素稱凋疲宜為二等共糧七萬六千六百二十七石每石派銀二錢五分三厘臨洮府屬五州縣如蘭河二州民生頗可宜為二等共糧二萬三百八十三石每石派銀二錢四分秋金二縣地方稍疲宜為三等共糧一萬七千四十石每石派銀二錢三分渭源縣地壻民貧難列等第額糧四千二百六十石每石派銀一錢八分四厘鞏昌府

屬一十七州縣如秦州徽州安定會寧四州
縣地方頗豐宜為一等共糧三萬八千八百
一十石每石派銀二錢六分五厘清水伏羌
階州成縣文縣禮縣西和漳縣秦九州縣民
生頗可宜為二等共糧四萬三千三百八十
石每石派銀二錢六分一厘其餘州縣俱宜三
等內隴西寧遠兩當三縣雖稱凋疲猶可支
持共糧二萬九千七百四十石每石派銀二
錢一分六厘通渭凋疲猶甚額糧一萬一千
八百三十石每石派銀一錢六分九厘以上
各府一歲所派止是一歲之用總計比舊西

安府增銀五千九百九十六兩二錢鳳翔府
增銀三千四百四兩七分漢中府增銀一萬
四千二百五十八兩肇昌府增銀八十兩延
安府減銀三千三百一十兩慶陽府減銀三
千一百四十兩平涼府減銀六千兩一錢臨
洮府減銀一百九十兩如此庶輕重適均而
地方無偏累之苦矣伏乞 聖裁

西安府實徵站糧八十三萬三千六百六十二
石查布三萬二十六十三疋綿花七千一百
斤各派價不等共徵銀二十一萬九千七百
九十八兩一錢

各驛馬駟工料銀六萬三千九百五十兩
各所牛隻工料銀五萬九千一百七十兩五錢
支應銀九千八百八兩

應解各處銀八萬六千八百六十四兩六錢

鞏昌府二萬七千七百九十三兩

臨洮府二萬二千八百二十四兩

固原各所堡七百二十五兩

甘肅各驛迤二萬八千八十九兩

寧夏各驛三千一十五兩

平涼府一百兩

漢中府二千五百兩

慶陽府四十兩

涇高二縣一千七百七十八兩

鳳翔府實徵站糧一十九萬六百七十九石派

價不等共徵銀五萬八百四十三兩八錢

各驛馬駝料草工食銀一萬三千九十兩

支應銀二千一百二十四兩

應解各處銀三萬五千六百二十九兩八錢

平涼府三萬二千九百五十五兩內除徑留掣

改汧陽縣牛七隻銀一百四十二兩實解銀

三萬二千八百一十三兩

漢中府四百一十九兩

寧夏各驛二百四兩

隴州五百二十兩

汧陽縣八百八十兩

長寧驛六百五十兩

漢中府實徵糧站三萬三千一百七十一石查

布五百九十七疋各派價不等共徵銀三萬

一千九百八十八兩外西安府應解銀二千

五百兩鳳翔府應解四百一十九兩共銀三

萬四千九百七兩

各驛馬駝每隻二料銀三萬三百一十二兩

支應銀四千五百九十五兩

自隆德起至蘭州止又自寶雞起至褒城止
又自政平起至華池止又自三原起至甘泉
止共三十二驛每驛月給紙紅銀七錢書手
并潼關驛加增抄報一名工食俱六錢其餘
各驛俱每月給紙紅銀五錢書手工食銀四
錢五分各遞運所自潼關起至咸陽止共八
所每所月給紙紅銀六錢書手工食六錢自
底張起至固原止并鞏昌北關遞運所共一
十六所每所月給紙紅銀四錢書手工食銀
四錢五其餘各所俱每月紙紅銀三錢書手
工食銀三錢至於應備傘扇除舊規原係有

司并軍站預備者各照舊外在各驛預備准
於支直在各所預備者准於減扣牛價各銀
內動支置造明白登報循環以便稽查如此
庶用有定議而無臨時之失誤官有常供而
免私下之需求矣伏乞 聖裁

一申明鋪陳以便稽查臣等看得各驛額設鋪
陳原有等差每副上鋪陳定銀十二兩五錢
中鋪陳八兩五錢下鋪陳銀二兩每五年徵
銀一次官為置造通計一省上鋪陳二十七
副中鋪陳七百六十四副價各照舊其下鋪
陳二千八百三十二副改絹綌俱用綿布其

并西安府應解銀一百兩又於牛價內替鳳翔府解減徵站銀一千一百兩鳳翔府實解銀三萬二千八百一十三兩五錢七分七厘八毫通共銀六萬九千五百二十七兩七錢七分七厘八毫

各驛馬驢料草工食銀二萬六千七百九十三兩

各所牛隻料草工食并與鳳翔府互換牛七隻共該實用銀三萬七千六百一十二兩七錢七分七釐

支應銀五千一百一十一兩

臨洮府實徵站糧四萬二千六百九十五石六斗五升派價不等共徵銀九千九百六十二兩外西安府應解銀二萬二千八百二十四兩四錢共銀三萬二千七百八十六兩四錢各驛馬駟料草工食銀一萬六千六十二兩各所牛隻料草工食銀一萬四千九百一十兩支應銀一千八百一十四兩四錢

鞏昌府實徵站糧一十二萬三千六百九十七石九斗八升派價不等共徵銀三萬一百二十五兩四錢外西安府應解銀二萬七千七百九十三兩二錢共銀五萬七千九百一十

八兩六錢

各驛馬駝料草工食銀二萬三千五百六十兩
各所牛隻料草工食銀二萬六千九百一兩
支應銀三千一百八十九兩六錢

應解各州縣驛銀四千二百六十八

秦清寧伏四州縣四千一百八十八兩

靖虜郭城驛八十兩

甘肅及各驛遞西安府應解銀二萬八千九兩
各驛馬駝料草工食銀一萬四千一百一十七
兩四錢

各所牛隻料草工食銀一萬二千六百兩

支應銀一千三百七十一兩六錢

寧夏各驛西安府應解銀三千一十五兩鳳翔
府應解銀二百四兩六錢延安府應解銀四
千四百三十兩八錢共銀七千六百五十兩
四錢

各驛馬駝料草工食銀六千五百五十六兩
支應銀一千九十四兩四錢

一酌處公用以免科求臣等看得各驛遞往因
僉頭其一應公用紙紅傘扇并貼寫書手俱
係夫頭輪流供送雇覓應用此外又有單日
之下程雙日之小程連需求難以枚舉蓋

驛遞各官職卑祿微養贍不足欲科求難矣
先該驛傳道議允驛丞每月給薪水夫銀一
兩貼寫書手京兆驛二名其餘每驛各一名
每月給工食銀九錢續增潼關驛抄報書手
一名月給銀六錢其一應公用紙劄等項每
月衝驛一兩五錢餘驛一兩俱於官支銀內
徑自開銷近查各驛報到不拘衝僻一槩俱
一兩五錢緣事無定據以混冒又查議各所
紙紅止在西安而未及別府事關一省均當
酌處但驛遞有衝僻事務有繁簡錢糧有多
寡迎送有勞逸苟無分別不惟無以示激勸

而賞緣冒濫將無紀極如陽平白水二驛各
歲該官支銀三十六兩各以薪水紙紅書手
工食計之僅足本驛自用將何以應付官容
而求節省附餘裁通應酌定數目以便遵守
除驛通各官每員月給薪水夫銀一兩以資
養廉外自潼關起至咸陽止共七驛每驛月
給紙紅筆墨等銀一兩五錢書手京兆驛二
名其餘各驛俱一名每名月給工食銀九錢
自底張起至固原止又自興平起至鳳翔止
并金明弘化通遠漢陽洮陽共二十一驛每
驛月給紙紅銀一兩書手工食銀七錢五分

手巾靴鞋俱各裁減每副計該減價銀四錢止
用銀一兩六錢共該減銀一千一百三十二兩
八錢總計八府三等鋪陳共用銀一萬一千三
百八十九兩七錢并漢中府屬船價銀一百五
十七兩二錢每糧一石加派不等西安府五釐
七毫八絲四忽六微鳳翔府二釐六毫七絲三
忽漢中府二分四釐八毫五絲延安府一分四
毫七絲慶陽府一分二釐一毫八絲平涼府七
釐七絲七忽臨洮府八釐九毫四絲鞏昌府九
釐一毫九絲徵完各該府查照分別三等置造
印記分發各驛收用二年半拆洗一次五年期

滿聽該道委官清查堪用者聽令拆洗充用不堪者變價湊補新置即於應徵銀內照數減除庶寬一分則民受一分之賜伏乞

聖裁

西安府實徵銀四千八百一十六兩六錢

本府各驛上鋪陳一十副中鋪陳一百六十四副下鋪陳六百六十六副共用銀二千五百九十四兩六錢

應解各處銀二千二百二十二兩

鞏昌府三百六十一兩四錢

臨洮府五百二十六兩二錢

甘肅各驛一千一百二十四兩四錢

寧夏各驛二百一十四兩

鳳翔府實徵銀五百九兩六錢

本府各驛上鋪陳二副中鋪陳二十副下鋪陳一百一副共用銀三百五十八兩六錢

應解寧夏各驛銀一百五十一兩

漢中府實徵銀八百二十四兩二錢

本府各驛上鋪陳二副中鋪陳四十八副下鋪

陳一百四十五副共用銀六百六十七兩

白水陽平二驛船六隻每隻價銀二十六兩二錢共用銀一百五十七兩二錢

平涼府實徵銀一千二十一兩

本府各驛上鋪陳四副中鋪陳四十六副下鋪

陳三百六十副共用銀一千二十一兩

延安府實徵銀一千七百三十七兩六錢

本府各驛上鋪陳二副中鋪陳一百五十四副

下鋪陳二百五十一副共用銀一千七百三

十七兩六錢

慶陽府實徵銀一千一百一十七兩六錢

本府各驛上鋪陳二副中鋪陳六十六副下鋪

陳三百三十一副共用銀一千一百一十七

兩六錢

臨洮府實徵銀三百八十四兩外西安府應解銀五百二十六兩二錢共銀九百一十兩二錢 本府各驛上鋪陳二副中鋪陳六十四副下鋪陳二百一十二副共用銀九百一十兩二錢

鞏昌府實徵銀一千一百三十六兩三錢外西安府應解銀三百六十一兩四錢共銀一千四百九十七兩七錢

本府各驛上鋪陳二副中鋪陳一百三副下鋪陳三百七十二副共用銀一千四百九十七兩七錢

寧夏各驛上鋪陳一副中鋪陳一十五副下鋪
陳一百四十副共用銀三百六十五兩內西
安府應解二百一十四兩鳳翔府應解一百
五十一兩

甘肅各驛中鋪陳八十四副下鋪陳二百五十
四副共用銀一千一百二十兩四錢俱西安
府應解

一預徵解以期給募臣等看得全陝驛遞傳報
聲息難連軍餉極為苦累而所需站銀最為
緊急比緣立法欠詳徵解每至愆期愈頭白
後者經歲取討不完即光稱貸加利俾驛遞

致蕩產未免逃移驛遞若之何不疲敝難支
也今西鳳漢三府改議徵銀與甘肅寧夏一
帶一體召募况應募者多係貧乏身負重役
藉此為生買備馬羸牛車什物等項必須預
給銀兩草料工食亦須按時給領人方樂於
應募苟失時貽害孰肯以他人之累而自苦
也若不嚴立催徵之法則站銀必不可完驛
遞必不可振民困必不可蘇矣合無行令驛
傳道通行各府嚴督各屬州縣掌印管站官
各將應徵站銀如夏站預於頭一年冬季秋
站預於本年春季徵完類詳該府通融收貯

專聽驛傳道酌量緩急分發應用各該官員
不得自分彼此假以協濟為名緩於催督以
致愆期誤事如違聽臣等遵照兵部題

准折例比依拖欠京邊錢糧一體查叅住俸降級仍
先提管站官家屬該吏監併完日方行釋放
各府州縣仍置站價文簿按季令該吏齎赴
驛傳道查比庶責成既嚴而站無負逋夫頭
樂募而驛遞可支矣伏乞 聖裁

一議南馬以便走遞臣等看得京兆至潼關等
六驛每驛原有安置南馬戶李順安等九名
共五十四名每名每年給工食銀四十二兩

共銀二千二百六十一兩零往時各夫止供探報徒費工食原非事體若責其與民馬一體走差又非人情今酌以銀數之多寡定以走差之次數如京兆等驛中下馬每匹一百一十兩則視南馬四十二兩幾三倍矣况南馬銀非見領似應從寬以三差走遞一差委屬均停合無行令該司轉行各驛將安置戶李順安等各歸原驛其工食銀兩自今為始買馬與召募民馬分別等第民三南一輪流走遞不許失誤庶差有定規銀有實用其有裨於衝驛亦多矣伏乞

聖裁

全宋文卷之三

四

欽差提督軍務兼撫治鄖陽等處地方都察院右僉
都御史臣楊俊民謹

題為議處敕邑以蘇民困事臣為照鄖陽一鎮接
壤四省周環盜藪礦穴無處無之該前任都御
史徐 殫勞經畧章程且備臣自接管以來練
兵弭盜戢礦安民一應職掌事宜督同司道官
次第修舉行據陝西布政司分守商洛道右叅
議文作勘稱陝西西安府商州商南縣戶口逃
亡殆盡夫馬供億不給百姓嗷嗷困苦已極若
不早為計處將來整頓益難除中間事涉細故
該臣徑與處分外所有係干題

請方能經久必行者臣會同巡撫陝西地方都察院
右副都御史傅摘採三事仰瀆

天聽如蒙

勅下該部詳議可否早

賜施行臣等不勝惶悚祈懇之至

計開

一議塞徑路臣看得商南縣僻在山徑之中東
至河南內鄉縣三百里東南至河南淅川縣
二百七十里南至湖廣鄖縣三百一十里西
南至山陽縣二百八十里西北至商州二百
六十里止至洛南縣二百五十里委係小邑

官通明行曉告以茶市乃

中國待西番之市行之二百餘年虜人不得恃強
欺壓番人侵奪市利如馬市乃北虜新款之市
甘寧延綏已各有定處行之數年賓兔等亦不
得分外求開自失信義若虜人挾奪番人茶市
則番人亦可侵奪虜人馬市此乃自起爭端我
中國必不輕聽并將馬市亦禁不與是彼求利而
反有害矣至於虜王會佛量准給茶以示恩信
則本部前覆已明在督撫諸臣酌議而行惟求
國體不失虜心無二而已如有他逞務要相機堵
截毋得過為疑畏再照兵難遙度將貴專謀機

會變於斯須便宜在於間外諸凡未盡事宜徑
自臨期酌處固不必一一取成於千里之外以
坐失事機等因題奉

聖旨是這撫禦事宜著該鎮總督鎮巡督率各該文
武等官查照先今題覆事理協心著實舉行務
保無虞毋得輕率畏徇啓釁招侮事完後仍着
開具貢蹟分別功罪來說欽此欽遵又准本部
咨該兵科都給事中光 等題為狡虜撲掠熟
番挾求茶市伏乞

聖明早行聖裁以保邊圉無虞事等因覆奉

欽依備咨
則來隨經通行整兵預待間續據涼州副

一議補戶口臣等看得商南縣土著人丁額數原少近年逃避差徭挈家四散鄉壤日就凋耗所遺田產盡為卽陝一帶流寓人民典賣甚至田連數頃糧未過割課積千金差不承認在原籍勾攝假稱占著商南在商南徵辦却謂差當原籍徒使子遺之民節受包陪之累臣等再四揆度合無將各省流寓人等置有產業勢難遷徙者行商洛道委官清查通將貧富等級案比的確候今次大造之年盡入該縣版圖認納差糧不得似前規避仍行各原籍除名免其重役貫址既定可杜影射

之奸衆擎易舉庶解倒懸之苦再照派民新
附義當優卹除正額糧草難以議減至於均
徭銀力二差十分為率土民派六分新民派
四分稍待三五年後人心樂從然後一槩均
攤將見人隨籍定戶口漸充糧隨地納供輸
自裕救焚拯溺計誠無便於此伏乞

聖裁

一議革冗員臣等看得商南縣賦役繁重厘里
蕭條官司供應委果不能支持洛南縣主員
九十餘名山陽縣生員七十餘名各儒學設
教諭一員今查該縣五十三名設教諭訓導

各一員每員年該齋夫銀二十四兩門子一
名銀七兩貳錢稍有拖逋寒官無賴終歲追
徵民力不堪合無比照二縣事例將訓導一
員永為裁革及照見任訓導祁修業歷任已
久復令其赴部候補本官難勝跋涉之苦該
縣不免齋送之費姑俟陞員不必銓補齋夫
門子銀兩照數除豁所謂寬一分民受一分
之賜伏乞

聖裁